

VENDIM
Nr. 3, datë 9.2.2017

**PËR DREJTIMET PRIORITARE TË POLITIKËS DHE KALENDARIN E
PROGRAMEVE TË FINANCIMIT TË FONDIT TË ZHVILLIMIT TË RAJONEVE, PËR
VITIN 2017**

Në mbështetje të nenit 100 të Kushtetutës, të nenit 16 dhe të aneksit 3, të ligjit nr. 130, datë 15.12.2016, “Për buxhetin e vitit 2017”, Komiteti për Zhvillimin e Rajoneve

VENDOSI:

1. Miratimin e drejtimeve prioritare për vitin 2017, të politikës për programin e Zhvillimit të Infrastrukturës vendore dhe rajonale, programi “Shqipëria dixhitale” dhe programi “Mbështetje për ekonominë” të Fondit të Zhvillimit të Rajoneve, sipas tabelës 1, bashkëlidhur këtij vendimi.

2. Kalendarin e thirrjeve për financim, sipas shtyllave, programeve dhe granteve të financimit, për 6-mujorin e parë të vitit 2017 është sipas tabelës 2, bashkëlidhur këtij vendimi.

3. Ngarkohen ministri i Zhvillimit Urban, ministri i Arsimit dhe Sportit, ministri i Transportit dhe Infrastrukturës, ministri i Mjedisit, ministri i Shtetit për Inovacionin dhe Administratën Publike, ministri i Shëndetësisë, ministri i Kulturës, ministri i Zhvillimit Ekonomik, Turizmit, Tregtisë dhe Sipërmarrjes dhe ministri i Financave për zbatimin e këtij vendimi.

Ky vendim hyn në fuqi menjëherë.

ZËVENDËSKRYETAR
Niko Peleshi

Zëvendëskryeministri	Zëvendëskryetar,
Ministri i Financave	anëtar,
Ministri i Zhvillimit Ekonomik, Turizmit, Tregtisë dhe Sipërmarrjes	anëtar
Ministri i Zhvillimit Urban	anëtar,
Ministri i Transportit dhe Infrastrukturës	anëtar,
Ministri i Arsimit dhe Sportit	anëtar,
Ministri i Bujqësisë, Zhvillimit Rural dhe Administrimit të Ujërave	anëtar,
Ministri i Shëndetësisë	anëtar,
Ministri i Kulturës	anëtar,
Ministri i Mjedisit	anëtar,
Ministri i Punëve të Brendshme	anëtar,
Ministri i Shtetit për Inovacionin dhe Administratën Publike	anëtar,
Ministri i Shtetit për Çështjet Vendore	anëtar,
Kryetari i Shoqatës së Qarqeve të Shqipërisë	anëtar,
Kryetari i Shoqatës së Bashkive të Shqipërisë / Përfaqësuesi i Bordit të Agjencisë për Zhvillim Rajonal nr.1	anëtar,
Kryetari i Shoqatës për Autonomi Vendore / Përfaqësuesi i Bordit të Agjencisë për Zhvillim Rajonal nr.2	anëtar,
Përfaqësuesi i Bordit të Agjencisë për Zhvillim Rajonal nr.3	anëtar,
Përfaqësuesi i Bordit të Agjencisë për Zhvillim Rajonal nr.4	anëtar.

Tabela 1 Drejtimet prioritare për vitin 2017 të politikës, sipas shtyllave, programeve, granteve dhe masat për Fondin e Zhvillimit të Rajoneve.

Nr.	Drejtimet prioritare	Shtylla/programi/granti	Masat
1.	Promovimi i zhvillimit të qëndrueshëm	Shtylla I - "Programi i zhvillimit të infrastrukturës vendore dhe rajonale": Granti 1 – "Infrastruktura vendore dhe rajonale" Granti 2 – "Arsim" Granti 3 – "Shëndetësi" Granti 5 – "Ujësjellës-kanalizime"	Përmirësimi i aksesit, lëvizshmërisë dhe infrastrukturës në zonat më pak të zhvilluara, si dhe në ujësjellës-kanalizime.
			Përmirësimi i cilësisë së strukturave arsimore, rritja e aksesit në zonat e pambuluara me shërbim.
			Shkolla - Qendër komunitare (terrenet sportive).
			Përmirësimi i cilësisë së strukturave shëndetësore, rritja e aksesit në zonat e pambuluara me shërbim.
			Rivitalizimi i zonave informale, sigurimi i infrastrukturës së aksesit dhe shërbimit
			Rritja e aksesit në shërbime, me anë të aksesit në shërbime online, përmes rritjes së mbulimit.
2.	Fuqizimi i ndërhyrjeve të nisura dhe rivitalizimi i qytetit, fshatit, poliqendrave urbane	Shtylla I - "Programi i zhvillimit të infrastrukturës vendore dhe rajonale": Granti 1 – "Infrastruktura vendore dhe rajonale" Granti 6 – "Rehabilitim mjedisor, gjelbërim dhe pyllëzim" Granti 5 – "Ujësjellës-kanalizime"	Rivitalizimi i hapësirave publike, hapësirave me tipare natyrore, zonave dhe infrastrukturës në shërbim të ekonomive lokale dhe rajonale.
			Rivitalizimi i poliqendrave urbane dhe qendrave lokale, rrjetëzimi dhe nxitja përmes bashkjetesës komunitare.
			Përmirësimi i aksesit, lëvizshmërisë dhe infrastrukturës së ndërlidhjes.
			Rehabilitimi mjedisor, gjelbërimi e gjallërimi i parqeve urbane, ndërvendore, etj.
			Përmirësimi i cilësisë së jetës së qytetarëve përmes zhvillimit të potencialeve.
3.	Kohezioni territorial dhe zhvillimi i balancuar rajonal	Shtylla I - "Programi i zhvillimit të infrastrukturës vendore dhe rajonale": Granti 1 – "Infrastruktura vendore dhe rajonale" Granti 2 – "Arsim" Granti 3 – "Shëndetësi" Granti 4 – "Art dhe kulturë" Granti 5 – "Ujësjellës-kanalizime" Granti 6 – "Rehabilitim mjedisor, gjelbërim dhe pyllëzim" Shtylla II: Programi "Shqipëria dixhitale": Granti "Shqipëria dixhitale"	Përmirësimi i infrastrukturës për promovimin e atraksioneve, nxitjen e ndërlidhjes rurale-urbane dhe konkurrueshmërisë (infrastrukturë rrugore me interes të veçantë zhvillimi etj.)
			Përmirësimi i transportit, lëvizshmërisë dhe infrastrukturës ndërlidhëse lokale, ndërvendore, rajonale dhe ndërrajonale
			Zhvillimi i zonave funksionale të qyteteve /fshatrave.
			Shërbime vendore dixhitale për qytetarët dhe biznesin, bazuar në zgjidhjet "Në një sportel", nëpërmjet platformave të integruara
			Pasurimi dhe gjallërimi i parqeve urbane dhe shërbimeve komunitare rural - urban ndërvendore dhe rajonale.
			Fuqizimi i lidhjeve fshat – qytet, ngritja e qendrave multifunksionale (si edukim -luaj-sport, etj.).

4.	Stimulimi i zonave dhe poleve potenciale, cluster të zhvillimit dhe zhvillimi i ekonomisë lokale dhe rajonale	Shtylla I - “Programi i zhvillimit të infrastrukturës vendore dhe rajonale”: Granti 1 – “Infrastruktura vendore dhe rajonale” Shtylla II: Programi “Shqipëria dixhitale”: Granti “Shqipëria dixhitale” Shtylla III – “Programi i mbështetjes për ekonominë”: Granti “Mbështetje për ekonominë”	Promovimi i rritjes të rrjetit të tregtisë, ngritjes dhe zhvillimit të zonave të përmirësuara të biznesit, si edhe stimulimi i investimeve në grupime zonash me interes agroturizëm, etj.
			Promovimi dhe fuqizimi i zonave me potencial ekonomik (investime për krijimin e vlerës së shtuar).
			Plotësimi dhe përmirësimi i infrastrukturave lidhëse në ndihmë të zhvillimit të zonave ekonomike lokale dhe rajonale me qëllim përmirësimin e rrjeteve të shpërndarjes së produkteve.
			Promovimi i ngritjes së itinerareve kulturore/turistike grupime zonash me interes turistik, bujqësor, fshatra apo të kapitalit lokal dhe rajonal etj..
			Për t’u zhvilluar sipas pikës 2.3, të aneksit 3, të ligjit të buxhetit për vitin 2017.
5.	Qytetet moderne	Shtylla II - Programi “Shqipëria dixhitale”: Granti 1. "Shqipëria dixhitale"	Platforma inovative me të dhënat e qyteteve në shërbim të qytetarëve
			Sisteme dixhitale multifunksionale për menaxhimin e infrastrukturës së qyteteve në shërbim të qytetarëve dhe sistemet për përmirësimin e administrimit vendor dhe rajonal (bashkitë etj.)
			Sisteme gjeografike dhe të informacionit për programimin dhe zhvillimin e territorit dhe menaxhimin në nivel rajonal.

Tabela 2. Kalendari i thirrjeve për financim, sipas shtyllave, programeve dhe granteve të financimit për 6-mujorin e parë të vitit 2017

Thirrja	Data	Shtylla/programi/granti
Thirrja I	Shkurt 2017	Shtylla I – “Programi i zhvillimit të infrastrukturës vendore dhe rajonale” - Granti 1.” Infrastruktura vendore dhe rajonale”
		Shtylla I - Programi i zhvillimit të infrastrukturës vendore dhe rajonale - Granti 2. “Arsimi”
		Shtylla I – “Programi i zhvillimit të infrastrukturës vendore dhe rajonale” - Granti 6: “Rehabilitimi mjedisor, gjelbërim dhe pyllëzimin”
		Shtylla II - Programi “Shqipëria dixhitale” - Granti 1. “Shqipëria dixhitale”
Thirrja 2	Mars -Prill 2017	Shtylla III - Programi “Mbështetja për ekonominë”
		Shtylla I – “Programi i zhvillimit të infrastrukturës vendore dhe rajonale” – Granti 5. “ Ujësjetllës-kanalizime”
		Shtylla I – “Programi i zhvillimit të infrastrukturës vendore dhe rajonale” - Granti 1 “ Infrastruktura vendore dhe rajonale”